

Solana Tuzla

Članica asocijacije Eu Salt

Tuzlanska tvornica soli u junu je primljena u članstvo asocijacije Eu Salt, čija je misija predstavljati i štititi interese proizvođača soli u Evropi.

Mi smo jedan od značajnih proizvođača soli u Evropi i za nas je ovo velika čast, pogotovo zato što BiH još nije članica Evropske unije. U ovom trenutku postali smo pridruženi članovi evropske asocijacije proizvođača soli i očekujem da ćemo postati i punopravni članovi, kazao je direktor Solane Izudin Kapetanović.

On je istaknuo da članstvo u asocijaciji pruža niz mogućnosti, od plasmana proizvoda na evropsko tržište do saradnje sa drugim članicama te dodao da je kvalitet tuzlanske soli nedavno potvrdilo i Ekspertno vijeće Superbrands BiH.

To vijeće je na temelju prepoznatljivosti, reputacije, kvaliteta, pouzdanosti i dugogodišnje dosljednosti tuzlanskoj soli dodijelilo status Superbranda za 2008. godinu, čime je ovaj proizvod svrstan među vodeće tržišne marke u našoj zemlji, kazao je Kapetanović.